

密縣志

卷六 風土志

卷七 職官志

卷八 選舉志

密縣志卷六

風土志

節序 俱按陰曆

正月元旦祀諸神及先祖尊俾以次叩拜鄰里道賀各具酒食比戶大酺二日親友備禮致賀具殺饌宴客三日省墳墓七日起火神元宵祀神及先祖畧同元旦張燈放花炮鼓樂徹夜十六日男婦輟工燕樂嬉遊消散百病十九日撤燈送神二月二日以柴灰圍屋避五瘟食炒豆避蠹毒三日起文昌寒食拜先塋封土致祭清明插柳枝各村祀土地或祀牛王穀雨畫符禁蠹端陽插艾於門薦角黍兒童繫長命線二十八日起城隍居民釀錢演劇商賈彙集士女如雲六月六日婦女結社祀聖母具扇禮神名曰撻扇姻親饋遺名曰送扇中元備祭品奠墳墓中秋祀月薦糖餅瓜果重陽薦花糕登

密縣志

卷六 風土

河南印刷局印

高飲酒十月朔祀土地拜奠先塋焚冥衣冬至繪消寒圖啖水角臘八日作五花粥

俗名

臘八 二十三祀竈用湯送神除夕貼桃符守歲

冠婚

冠禮載在經典古昔所重密人習尚質樸惟世家名門偶一行之窮鄉僻壤其禮久廢故畧而弗載婚禮一日納聘媒灼既通婿家擇吉具啟名曰懇親女家回帖為允親各治具款客婿家壓啟用紉綾首飾等物女家用文房四寶寒家以錢代之一日請期標梅伊邇婿家邀冰送婚書訂吉期女家備奩具婿家亦為新郎新婦製衣一日親迎吉期既屆親族畢集女家送奩具婿家設鼓樂備儀物擇尊長一人引婿盛服往至婿家為婿披紅簪花婿乃陳酒果為婦家祭先祖祭畢婦家設筵禮婿送女登輿引者前導新郎次之新婦又次之送者在後至婿門以金玉等物付女手下與喜紅搭頭門限置

鞍箴新婦抱紅絹而過以錢和草節迎撒之名曰撒喜中庭設香案上置斗粟中豎以稱縣銅鏡寶瓶暨柏葉蒜麩等物夫婦同拜天地禮畢交拜爲新婦梳粧成婦送入洞房樂止即晚行合卺禮奏樂飲宴名曰團圓席三夜不息燭翼日女家送酒饌謂之送飯親友致賀主人設筵款待三日新婦梳粧拜竈次先祖次舅姑凡在尊屬徧拜焉四日新郎偕新婦至婦家拜岳父母並及尊屬名曰認親飯畢偕返六日女家接新婦歸寧十三日送回

日數近亦無定由舅姑酌之

### 喪祭

初終遷正寢持衣登屋號呼斂畢覆面以紙含口以錢孝子被髮跣足哭踊無數家人皆哭每日三次進饌如事生禮三日大斂白紙糊門行成服禮姻親各具香楮赴弔每七日必奠五七大奠姻親畢至每奠必哭或踰月葬或踰年葬卜吉開壙擇利而行屆

## 密縣志

卷六 風土

期置孝堂朝夕致奠有弔者哭謝之葬之前一日遷柩朝祖具木主書亡人封爵名號於其上及期設棚延大賓臨題堂奠時結魂帛設裳衣剖羊豕具三腥殺饌果品醢醢等物盥洗降神行三獻讀祝禮侑食獻茶畢乃撤饌送神均聽禮賓指示將發引行啟靈遣奠禮聘祀土官祀后土路祭官祀路神孝子號哭扶柩就道下窆時覆魂帛於柩上下誌石封塚植樹上掛紙旛孝子奉主歸行虞祭禮百日祭於墓遂卒哭過此以往忌日則祭冥壽則祭凡士庶之家冬至則祭始祖外此如元旦元宵清明中元十月朔均有事於先人霜露思親示不忘也祭品不必備物視農家所恒有者儀文簡畧鄉里類能行之至祭外神則多用三叩禮祭品與先祖畧同

### 習尚

一曰士性多謹愿勤於誦讀無囂張浮靡之習有產之家入則橫經出則負耒寒士則

設館授徒常聚至數十人而館穀甚微暇則刻苦自勵以圖進取以故擢高科登顯仕者恒寥寥焉

一曰農田事方興耕耘收穫無須臾之閒山路崎嶇車不能通禾稼肥料全資擔荷故辛苦尤甚其田高下懸絕或土石相雜暇則築堰墾荒終歲勤動而糟糠不厭頗有唐俗婦女亦荆布釵裙親操井臼率以爲常

一曰工民生山谷質性淳龐目不睹奇技淫巧株守成法手藝朴拙其製造尋常器用外惟採煤採石織紬繅紙燒窯諸業無他雜技近日風氣漸開工藝稍有進步

一曰商民性安土重遷不工計然之術市鎮貿易多本地物產如煤蒜柿子絲紬桑杖金銀花等類利益頗多然往往售之遠客利權不免外溢邇來地近鉄軌頗有遠販賈者惟制節謹度則仍其舊云

密 縣 志

卷六 風土

三

河南印刷局印

一曰女工城鎮婦女惟司中饋織紉蠶繅以供衣服鄉村則自紡績而外協力操作甘苦與男子同慶弔出門不尙華飾雖近樸陋猶有古風焉

按密僻處山谷土瘠民貧男女各重生業國稅從無逋欠尤崇尚節儉衣食粗糲比戶皆然所居室宇多草房土垆富者易以磚瓦器用皆瓦缶荆筐富者用磁用竹宴客止園蔬雞豚饋送惟果蔬蒸食婚喪之家同里皆効奔走肩輿抬重亦不雇覓貧者不免傭工然不肯鬻人爲奴廉恥之風亦可概見寰宇記謂其俗尊年齒學尙經術宋地理志謂其重禮義勤耕紉雖今不古若而其流風遺俗尙未泯焉

里 諺

牛頭鼠尾嘆如何轉過兔年笑呵呵 羊馬年好收田防備雞猴那二年

定頻年之吉凶

一

年兩頭春黃牛貴似金四季不要甲子雨七穀八黍十收麥

正月定收成

麥潤苗桑潤條

先分後社糧食無人借先社後分糧食貴似金 一九二九不出手三九四九凌上走  
五九六九沿河看柳七九六十三行人把衣寬八九七十二貧兒爭意氣九九陽落地  
十九杏花開十九花不開果子排滿街九盡楊不落芒種麥不割 三月不壓場麥子  
土裏揚三月清明榆不老二月清明老了榆 三月怕三七四月怕初一三七四一都  
不怕只怕四月十二下 溼了老鸛毛麥子水裏撈 鋤頭有水杈頭有火 三月初一  
陰桑葉貴似金三月初一晴桑葉搭成棚 麥子上了場閨女去瞧娘夏至連端午麥  
貴一千天 收穀不收穀但看五月二十六 謂是日有雨則收 麥到芒種生也割熟也鐫  
夏至五月頭十座油房九座流夏至五月中十座油房九座空 頭伏蘿蔔末伏芥中  
伏以裏種白菜 楸花芝蔴棟花黍桐花開了種秫秫 有錢難買五月旱六月連陰  
吃飽飯有錢難買五月冷一科豆兒打一捧 處暑不露頭只中割喂牛 天河南北

密 縣 志

卷六 風土

四

河南印刷局印

孩不跟娘睡天河東西收拾冬衣天河掉角撈飯豆角 八月十五雲遮月防備來年  
雪打燈 重陽無雨盼十三三無雨一冬乾九月孤雷發大旱一百八 三伏多酷  
熱冬天多雨雪麥蓋三層被小孩摟住蒸饅睡 麥落地不凍有子只管種 以上勸農語 從  
小讀書不用心不知書中有黃金早知書中黃金貴青燈黃卷下苦心 不受苦中苦  
難爲人上人 多讀多做多商量 老天不負苦功人 鉄梁磨綉針功到自然成 以上勸學語  
勸學 教子嬰孩教妻初來 不聽老人言必定受飢寒 不當家不知柴米貴 仔細  
不虧人 要娶好大讓小 年年防旱夜夜防賊 家常飯吃得飽粗布衣穿着好  
棍頭出孝子嬌養忤逆郎 以上家語 屈死不告狀餓死不做賊 千里去燒香不如在家  
敬爹娘 打官事要錢水裏撈鹽 飢人給一口強似飽人給一斗 這輩不捨錢再  
輩沒馬騎 不刮西風天不晴不娶姚婆家不窮 吃虧人常在 能管千軍不管一

社 一分度量一分福 精細伶俐休使盡留下三分與兒孫 以上勸世語

方言

父曰爹母曰娘祖曰爺祖母曰奶奶曾祖曾祖母加老字高祖以上加老祖二字伯父  
母曰大爺大娘叔父母曰叔曰嬸父之姊妹曰姑其婿曰姑夫祖之姊妹曰姑奶奶其  
婿曰姑爺妻曰媳婦亦曰袖子子曰兒子亦曰孩子之妻曰兒媳婦女曰閨女亦曰妮  
兒曰哥弟曰兄弟姊曰姐妹曰妹子 以上父黨  
母之父母曰老爺老娘母之祖父母曰老老爺老老娘祖母之父母亦然母之姑曰姑  
老娘其夫曰姑老爺祖母之姊妹曰姨老娘其夫曰姨老爺母之兄弟曰舅其妻曰姑  
母之姊妹曰姨其婿曰姨夫 以上母黨  
妻之父母曰外父母亦曰岳父母或曰丈人丈母妻之兄弟曰大小舅妻之姊妹曰大

密縣志

卷六 風土

五

河南印刷局印

小姨其婿曰襟兄弟亦曰條串 以上妻黨

夫之父母曰公婆亦曰爹娘兄曰大伯子弟曰小叔妹曰小姑餘俱與夫同 以上夫黨

弟子稱師曰師傅自稱曰徒弟奴婢稱家主曰爺亦曰老當家主母曰奶奶小主曰叔

亦曰小當家小主母曰嬸卑幼稱尊長曰你老尊長呼卑幼曰孩們稱人卑幼曰相公

男無妻曰光棍漢女無夫曰半臘 猶云人男子曰爺們女子曰娘們兄弟曰丁 讀去們聲

其妻曰妯娌們雇工曰夥計亦曰長工佃戶曰牛把其稱主人曰掌櫃 以上雜稱

一呼藥 一呼良 假切 二呼作 六呼流 去聲 八呼平 聲 如今曰穰晚昔年曰每穰前日

日業 呼去聲 前二日日前前三日日大前明日日明後二日日後後三日日大後午時

日上午午前日飯時午後日後响甚麼日嘎 呼蛇去聲 謊言曰賄話頭日的腦胸曰圪廊脛

日麻核 呼作携 桃晝曰白裡夜曰黑地貧曰急荒富曰處坦無業曰光棍與人交曰相與

糊塗曰迷瞪暴戾曰紅磚不諳事曰白脖有疾曰害俚探親曰串親戚結友曰換帖牡  
貓曰郎貓牝貓曰女貓牡狗曰牙狗牝狗曰母狗蟬曰麻集了蝗蝻曰螞蚱以上雜語  
按五方言語異於文者如以乳爲穀以鼠爲璞是也異於音者如以來爲離以得爲登  
是也異於文者少異於音者多喉舌唇齒之間輕清重濁不同往往有音無字而方言  
遂區以別矣密人生長中土音韻多失重濁而以訛傳訛仍復狃於習慣爰誌其梗概  
以俟夫觀人風者得焉

密縣志

卷六 風土

六

